

2/26.11/58



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ



«12» 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0004-21

Ձեռնարկողը՝

«Հայնախագիծ» ԲԲԸ
Ք. Երևան, Չարենցի 1

Գործունեությունը՝

«Արմավիր-3» միկրոռեգիոնալ մակարդակի
համակցված տարածական պլանավորման փաստաթղթի
շրջակա միջավայրի վրա ազդեցության ռազմավարական
գնահատման հաշվեկարգություն
Արմավիրի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 15 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

թիվ ԲՓ 0004-21

<<12>> 01 2021թ.

Արմավիրի մարզի «Արմավիր-3» միկրոռեգիոնալ մակարդակի համակցված տարածական պլանավորման փաստաթղթի (ՄՄՀՏՊՓ) շրջակա միջավայրի վրա ազդեցության ռազմավարական գնահատման հաշվետվություն

Ձեռնարկող՝

«Հայնախագիծ» ԲԲԸ

Ներկայացված նյութեր՝

Հիմադրության փաստաթուղթ.
- ազդեցության ռազմավարական գնահատման
(ՌԷԳ) հաշվետվություն, գծագրական նյութեր

Մշակումները կատարվել են պետության կարիքների համար աշխատանքների կատարման պետական գնման պայմանագիր NՀՀԲԿ-ԳՀԱՇՁԲ-19/9-1 շրջանակներում՝ ՀՀ քաղաքաշինության կոմիտեի կողմից տրված Տեխնիկական բնութագրին համապատասխան:

Նախագծերի մշակման համար որպես ելակետային նյութեր և տվյալներ հիմք են հանդիսացել.

- տարածքի Մ1:10000 մասշտաբի տեղագրական հանույթները,
- համայնքների տարածքի կադաստրային քարտեզները:

Համայնքների հողային ֆոնդի առկայության և բաշխման հաշվեկշիռ «Ձև 22» ձեռք են բերված ՀՀ անշարժ գույքի կադաստրի, իսկ համայնքների քառամյա զարգացման ծրագրերը՝ ՀՀ Արմավիրի մարզի կայքէջերից:

Նկարագրական մաս. «Արմավիր-3» միկրոռեգիոնալ մակարդակի համակցված տարածական պլանավորման (այսուհետ «Արմավիր-3» ՄՄՀՏՊՓ) նախագիծը քաղաքաշինական ծրագրային՝ տարածական պլանավորման փաստաթղթի նոր տեսակ է, որը համադրում է միկրոռեգիոնալ և տեղական մակարդակները և որում համատեղվում են տարածքային հատակագծման նախագծի, գլխավոր հատակագծի և գոտևորման նախագծի վերաբերյալ՝ «Քաղաքաշինության մասին» ՀՀ օրենքի 14.4-րդ հոդվածով և սույն կարգով սահմանված պահանջները: Այն մշակվում է միկրոռեգիոնալ միավորի սահմաններում ընդգրկված բոլոր հողատարածքների ներառմամբ, կանոնակարգելով ինչպես տեղական, այնպես էլ միկրոռեգիոնալ միավորների համար ընդհանուր հետաքրքրություն ներկայացնող տարածական զարգացման խնդիրները:

Առաջադրվող ծրագրային փաստաթղթում արտացոլվել են միկրոռեգիոնում ներառված համայնքների տարածքային զարգացման քաղաքականության արդյունավետ իրականացմանը նպաստող քաղաքաշինական ծրագրային այն որոշումներն, որոնք անհրաժեշտ են տարածքների մրցունակություն բարձրացնելու:



և Հայաստանի մարզերի միջև զարգացման առկա անհամաչափությունները մեղմելու համար, մասնավորապես.

- համայնքում առկա քաղաքաշինական իրավիճակի համակողմանի վերլուծությունը,
- մարդու կենսագործունեության արդյունավետությունն ապահովող առաջնային անհրաժեշտ խնդիրների բացահայտումը,
- համայնքի հեռանկարային զարգացման հիմնական ռազմավարական ուղղությունների իրականացման քաղաքաշինական միջոցառումների ցանկի մշակումը,
- քաղաքաշինական, բնապահպանական, պատմամշակութային և այլ սահմանափակումներին վերաբերող հիմնական պահանջների բացահայտումն ու հանձնարարականների առաջադրումը:

Նախագծում համակողմանի վերլուծվել և ընդհանրացվել են համայնքների ընդհանուր բնութագրերը՝ հետևյալ կետերով.

- տարածաշրջանի սոցիալ-տնտեսական զարգացման հայեցակարգը երկարաժամկետ հեռանկարում,
- բնակավայրերի գործող և կանխատեսվող տնտեսական (գյուղատնտեսական, զբոսաշրջային, արդյունաբերական, մշակութային, գիտատար) մասնագիտացումները,
- տարածաշրջանային նշանակության ենթակառուցվածքների և օբյեկտների տեղաբաշխման ուրվագիծը,
- սոցիալական օբյեկտների առկա և կանխատեսելի տեղաբաշխման ուրվագծերը,
- ինժեներական նախապատրաստման, տարածքների և բնակչության պաշտպանության բարձրացմանն ուղղված ծրագրերը,
- տարածաշրջանի զարգացման ներդրումային ծրագրերը:

«Արմավիր-3» միկրոռեգիոնալ տարածքում ներառված են Արմավիր և Մեծամոր քաղաքները, ինչպես նաև Այգեվան, Լենուդի, Լուկաշին, Խանջյան, Հացիկ, Մայիսյան, Նորավան և Սարդարապատ համայնքները, որոնք դիտարկվում են որպես քաղաքաշինական ընդհանուր հիմնախնդիրներով շաղկապված միկրոռեգիոնալ մակարդակի տարածական միավորներ, միասնության անբաժանելի մասեր կազմող վարչատարածքային միավորներ՝ համայնքներ, որոնք ընդհանուր հիմնախնդիրների շարքում պահանջում են ընդհանրությունից և յուրահատկությունից բխող համապատասխան քաղաքաշինական լուծումների առաջարկություններ:

Արմավիրի մարզը կազմավորվել է 1995թ.-ին և գտնվում է ՀՀ-ի տարածքի արևմտյան մասի հարավային հատվածում: Այն զբաղեցնում է ՀՀ տարածքի մոտ 4.2% կամ 1242.0 կմ² մակերես, իր մեջ ընդգրկելով Արմավիրի, Էջմիածնի և Բաղրամյանի տարածաշրջանները: Սահմանակից է Երևանին (արևելքում), Արագածոտնի (հյուսիսում), Արարատի (հարավ-արևելքում) մարզերին: Հարավ-արևմուտքում և հարավում Արմավիրի մարզը ՀՀ պետական սահմանով սահմանակից է Թուրքիային:

ՀՀ Արմավիրի մարզը բնակչության թվով և խտությամբ զիջում է միայն Երևան քաղաքին: Մարզի բնակչությունը 266 հազ. մարդ է, որը կազմում է հանրապետության բնակչության 8.9%-ը:

Մարզի երեք՝ Արմավիր, Էջմիածին և Մեծամոր, քաղաքների բնակչությունը միասին կազմում է 84.6 հազ. մարդ կամ մարզի բնակչության 31.7%: Գյուղական բնակչությունը կազմում է 181.8 հազար մարդ կամ մարզի բնակչության 68.2%:



Տարածքը կազմում է 11664.47հա, ներառելով երկու՝ Արմավիր և Մեծամոր քաղաքները և ութ՝ Այգեվան, Լենուդի, Լուկաշին, Խանջյան, Հացիկ, Մայիսյան, Նորավան, Սարդարապատ, գյուղերը /համայնքներ/:

Արմավիր (նախկին Հոկտեմբերյան) քաղաքը հիմնադրվել է 1931թ. հունիսի 26-ին և զբաղեցնում է 2181.99հա տարածք: Այն գտնվում է Արարատյան հարթավայրի հյուսիս-արևմտյան մասում, Երևանից 48.0կմ հեռավորության վրա և հանդիսանում է ՀՀ Արմավիրի մարզկենտրոն: Արմավիր քաղաքով են անցնում Երևան-Արմավիր-Թուրքիայի պետական սահման միջպետական Ա-5, Արմավիր-Իսահակյան-Գյումրի հանրապետական Հ-17 նշանակության ավտոճանապարհները և Երևան-Այրում-Վրաստան երկաթգիծը: Համայնքում առկա են արդյունաբերական ձեռնարկություններ, որոնք կամ չեն գործում կամ գործում են իրենց երբեմնի արտադրական չնչին հզորություններով, դրանք են պահածոների գործարանը, ռելեի գործարանը, ֆուրնիտուրայի գործարանը, հաստոցաշինական գործարանը, հացի և հրուշակեղենի գործարանը և կահույքի ֆաբրիկան:

Քաղաքի բնակչության թիվը կազմում է 37.50 հազ.մարդ:

Համայնքում գործում են 9 հանրակրթական դպրոցներ, 2 տարածաշրջանային քոլեջներ, մեկ արվեստի դպրոց, մեկ արվեստի պետական քոլեջ, մեկ երաժշտական դպրոց, երեք մարզադպրոց: Համայնքում գործում է նաև գրադարանային համակարգ:

Համայնքում գործում են երկու պետական բժշկական հաստատություն: Մշակութային հաստատություններից գործում է Արմավիրի մշակույթի տունը: Մարզական հաստատություններից՝ Սպորտ դպրոցը: Հոգևոր կառույցներից սբ Գրիգոր Նարեկացի եկեղեցին:

Արմավիր քաղաքի սանիտարական մաքրման ենթակա փողոցների, հրապարակների, մայթերի ընդհանուր մակերեսը կազմում է 73.950հազ.մ²: Քաղաքի տարածքից օրական հավաքվում և աղբավայր է տեղափոխվում 32.0տ աղբ:

Քաղաքի աղբահանության և սանմաքրման աշխատանքները իրականացվում են «Բարեկարգում» տնօրինության կողմից: Աղբավայրը գտնվում է քաղաքի հյուսիս-արևելյան մասում 1.3կմ հեռավորության վրա, որտեղ տարեկան տեղափոխվում է 9216.0տ կենցաղային աղբ: Այն զբաղեցնում է մոտ 8.0հա տարածք: Աղբավայրը չի համապատասխանում տեխնիկական, բնապահպանական և սանիտարահիգիենիկ չափանիշների և հանդիսանում է զուտ աղբի կուտակման վայր:

Համաձայն «Արմավիր համայնքի 2019-2023 թ.թ. հնգամյա զարգացման ծրագրի» Արմավիրում առկա են արդյունաբերական և վերամշակող ձեռնարկություններ և արտադրական տարածքներ, որոնց վերագործարկումը կնպաստի քաղաքի զարգացմանը, սոցիալ-տնտեսական իրավիճակի բարելավմանը, կրթական և մշակութային կյանքի ակտիվացմանը, տուրիզմի զարգացմանը, նոր աշխատատեղերի ստեղծմանը:

Մեծամորը քաղաքային համայնքը հիմնադրվել է 1969թ.-ին որպես Հայկական ատոմային կայանի /ՀԱԷԿ/ բնակելի ավան, 1972թ.-ից կազմավորվել է որպես քաղաքատիպ ավան, 1995թ.-ից՝ քաղաք: Համայնքը գտնվում է Արմավիրի տարածաշրջանի արևմտյան հատվածում, Երևան քաղաքից 38.0կմ, իսկ մարզկենտրոնից 8.0կմ հեռավորության վրա: Քաղաքում բնակվում է շուրջ 12.280 հազ.մարդ:

Մեծամոր համայնքի վարչական տարածքը կազմում է 910,79հա, որից 715.0հա անջրդի ու աղակալած, չմշակվող գյուղատնտեսական նշանակության այլ հողեր են: Համայնքը սահմանակից է Մայիսյան, Մրգաշատ և Ակնալիճ համայնքներին:

Համայնքը նշանակոր է ՀՀ ատոմային էլեկտրակայանով /ներկա անվանումը՝ «Հայկական ատոմային էլեկտրակայան» ՓԲԸ /, որը զբաղեցնում է 300.0հա տարածք, որտեղ աշխատում են համայնքի բնակիչների զգալի մասը: Հայաստանում գործող ատոմակայանը, որը միակն է Հարավային Կովկասում գտնվող

Է. Երևանից մոտ 28.0կմ արևմուտք՝ Մեծամոր քաղաքի մոտակայքում, Մայիսյան համայնքի վարչական տարածքում:

Քաղաքում կան նաև սննդի արդյունաբերության մի շարք փոքր ձեռնարկություններ։ Արտադրական ձեռնարկություններից քաղաքում գործում է հացի արտադրամաս։ Օգտակար հանածոներ չկան։ Պատմության և մշակույթի անշարժ հուշարձաններ բնակավայրի սահմաններում չկան։ Շրջակայքում կան բրոնզե և երկաթե դարերի բնակատեղիների մնացորդներ։ Հոգևոր կառույցներից գործում է «Սուրբ Ղազար» եկեղեցին։ Բնակավայրի հողերի մոտ 14% տնտեսված է որպես արոտավայր։

Բնակավայրի հողերի մոտ 14% տնամերձ հողամասեր են: Դրանք բնակչության կողմից օգտագործվում են որպես բանջարանոցներ, պտղատու և խաղողի այգիներ:

Այգևան համայնքը հիմնադրվել է 1946թ. Հացիկ անվանումով, այնուհետև վերանվանվել է Շահումյան, 10-րդ սովխոզ, Ձերժինսկի:

Համայնքը գտնվում է Երևանից 54.0կմ, մարզկենտրոնից 8.0կմ հեռավորության վրա: Սահմանակից է Հացիկ, Սարդարապատ և Լենուդի համայնքներին: Համայնքն ունի 621.39հա վարչական տարածք՝ թվով 1.667հազ.մարդ բնակչության, զբաղվում են պտղաբուծությամբ, խաղողագործությամբ, բանջարաբոստանային մշակաբույսերի մշակությամբ, անասնաբուծությամբ: Գյուղատնտեսական հողահանդակներում մեծ բաժին ունեն վարելահողերը, պտղատու և խաղողի այգիները: Պետական հողերը հիմնականում օգտագործվում են որպես վարելահողեր: Գյուղատնտեսական հողահանդակները ոռոգվում են Արմավիրի Մայր ջրանցքի ջրերով:

Համայնքում գործում է մեկ ամբուլատորիա /կուլեկտիվը՝ 4 հոգի/: Մշակութային, մարզական հաստատություններ և հոգևոր կառույցներ չկան: Օգտակար հանածոներ և պատմության և մշակույթի անշարժ հուշարձաններ չկան:

Լենուդի գյուղը հիմնադրվել է 1928թ.-ին, գտնվում է Միջինարաքսյան հարթավայրում: Համայնքի մակերեսը կազմում է 785.91 հա, այն գտնվում է Երևանից 50.0 կմ, իսկ մարզկենտրոնից՝ 10.0 կմ, իսկ պետական սահմանից՝ 35.0 կմ հեռավորության վրա: Նախկինում կոչվել է հոկտեմբերյանի շրջանի Ստալինի անվան սովխոզ, այնուհետև № 6 սովխոզ: Գյուղն ունի 1725 բնակիչ, որոնց նախնիների մի մասը տեղափոխվել են Արևմտյան Հայաստանի Գանի, Բայազետի, Արճեշի, Ալաշկերտի շրջաններից, Պարսկաստանից, Սիրիայից, Հունաստանից և Զավախքից: Բնակչությունը հիմնականում զբաղվում է պտղաբուծությամբ, խաղողագործությամբ, բանջարաբուստանային կուլտուրաների մշակությամբ, անասնապահությամբ:

Լենուդու տարածաշրջանը բաժանվում է հողային երկու զոտու Մերձարաքսյան և Ուրծ-Կոտայք-Շամիրամյան: Գյուղական նշանակության հողերը բնականից հումուսով աղքատ լինելու պատճառով 1-2 տարի չմշակելու դեպքում շատ արագ ենթարկվում են կլիմայական գործոնների ազդեցությանը և շարքից ղուրս զալիս: Երկու գոտիների հողատարածություններն էլ գրեթե ամբողջությամբ ոռոգվում են Մայր առու կոչվող ջրատարից ինքնահոս եղանակով, միայն 10.0հա-ն է, որ ոռոգվում մեխանիկական եղանակով: Գյուղատնտեսական հողահանդակներում մեծ բաժին ունեն վարելահողերը, պտղատու և խաղողի այգիները: Բնակչությունը զբաղվում է այգեգործությամբ (ծիրանի, դեղձի, սալորի, կեռասի արտադրությամբ), խաղողագործությամբ, բանջարաբոստանային կուլտուրաների մշակությամբ, անասնապահությամբ:

Պատմության և մշակույթի անշարժ հուշարձաններ չկան: Համայնքում գործում է 1 առողջության կենտրոն:

Լուկաշին համայնքը հնագույն բնակավայր է և հիմնադրվել է 1922թ.-ին, որը մայրաքաղաքից գտնվում է 50.0կմ, իսկ մարզկենտրոնից դեպի արևմուտք՝ 5.0կմ հեռավորության վրա: Գյուղի բնակչությունը տեղափոխվել է Հայաստանի Հանրապետության Ախուրյանի, Ապարանի, Գորիսի, Թալինի շրջաններից, ապա

Լիբանանից, Սիրիայից, Իրանից: Համայնքը ունեցել է մի քանի անուններ՝ Լուկաշեն, Կարմիր բանակային, Նալբանդյան, N 3 Սովխոգ: Այն սահմանակից է Նորավան և Խանջյան համայնքներին: Համայնքի վարչական տարածքը կազմում է 1036,39 հա, իսկ բնակչության թիվը՝ 2.613 հազ.մարդ:

Ձմռանը ճանապարհները չեն փակվում: Տարածքով գետ չի հոսում, հաճախակի են չորային ամառները, իսկ գարնանային վարար անձրևների հետևանքով մեծանում են սողանքները և սելավները:

Համայնքում զարգացած է անասնապահության ճյուղը: Սակայն դրա զարգացման համար համայնքում արոտավայրեր չկան, այդ պատճառով համայնքի բնակչությունը ստիպված է լինում անասուններին տեղափոխել Ամասիայի տարածաշրջանի արոտավայրեր: Զբաղվում են նաև թռչնապահությամբ և մեղվապահությամբ: Համայնքի բնակիչներն իրենց տնամերձերում և սեփականաշնորհված վարելահողերում աճեցնում և մշակում են կարտոֆիլ, հացահատիկային և բանջարաբուստանային կուլտուրաներ՝ հիմնականում սեփական կարիքների բավարարման և վաճառքի համար: Բնակիչներն ունեն նաև սեփականաշնորհված խաղողի և պտղատու այգիներ:

Պատմության և մշակույթի անշարժ հուշարձանները ներկայացված են Նորահայտ վեց հուշարձաններով՝ գյուղի եզրին քարքարոտ ու կառուցապատված տեղանքում գտնվող ք.ա.1 հազարամյակի դամբարանադաշտով:

Համայնքում գործում է բուժամբուլատորիա: Առկա է շինարարությունում երեսապատման համար օգտագործվող տուֆի հանքեր:

Նորավան համայնքը գտնվում է մարզի հարավ-արևմտյան մասում՝ Նախալեռնային՝ Մերձարաքսյան և Ուրց-Կոտայք-Շամիրամ, գոտիներում, մարզկենտրոնից 3.0 կմ, իսկ մայրաքաղաքից՝ 45.0 կմ հեռավորության վրա: Ունի 413,52 հա հողատարածք: Բնակչությունը ձևավորվել է Լուկաշին սովխոգի բնակիչներից, այլ շրջաններից և Իրանից տեղափոխված բնակիչներից: Բնակչությունը հիմնականում զբաղվում է գյուղատնտեսությամբ և անասնապահությամբ: Համայնքը չի ունեցել հասարակական և արտադրական ոչ մի շինություն:

Համայնքում չի գործում մանկապարտեզ, մշակույթի տուն և սպորտային կառույցներ՝ համապատասխան շինությունների բացակայության պատճառով:

Համայնքում խաղողագործությունը և պտղաբուծությունը զարգացման միտում ունեն: Աճում է նաև ջերմոցային տնտեսությունների թիվը:

Խանջյան համայնքը հիմնադրվել է 1958թ.-ին, տեղակայված է Արարատյան դաշտի հյուսիս-արևմտյան մասում, վարչական տարածքը կազմում է 782.28 հա: Համայնքի հեռավորությունը մարզկենտրոնից 7.0 կմ է, իսկ Երևանից՝ 50.0 կմ:

Համայնքի բնակչության թիվը՝ 2.084 մարդ: Համայնքն ունի պտղախաղողագործական ուղղություն, զարգացած բանջարաբուծությամբ, անասնապահությամբ: Համայնքում շուրջ 250 ընտանիք զբաղվում են անասնապահությամբ և որից ստանում են բարձր եկամուտ: Շնորհիվ ոռոգման ջրի բավարար առկայության համայնքն ապահովված է նաև կերային բազան:

Համայնքի նախադպրոցական հաստատությունը չի գործում շենքի վթարային վիճակում գտնվելու պատճառով: Համայնքում գործող ամբուլատորիան հնարավորինս պատշաճ կազմակերպում է առողջապահական խնդիրներ ունեցող բնակիչների բուժապասարկումը:

Հացիկ համայնքը գտնվում է տարածաշրջանի Մերձարաքսյան հողային գոտում: Հացիկ համայնքում ապրում են 2431 բնակիչ: Համայնքի հողատարածությունը ոռոգումն իրականացվում է Մայր առու կոչվող ջրատարից ամբողջությամբ ինքնահոս եղանակով, բացի 80.0 հա-ից, որն ոռոգվում է մեխանիկական եղանակով: Բնակչությունը զբաղվում է



այգեգործությամբ (ծիրանի, դեղձի, սալորի, կեռասի արտադրությամբ), խաղողագործությամբ, բանջարաբուստանային կուլտուրաների մշակությամբ, անասնապահությամբ:

Հացիկ համայնքն ունի մեկ միջնակարգ դպրոց: Համայնքի բնակչության մոտ 10% ունի բարձրագույն կրթություն: Համայնքում գործում է 1 բուժամբուլատորիա, որը գտնվում է գյուղապետարանի շենքի առաջին հարկում:

Մայիսյան համայնքը գտնվում է Ուրց-Կոտայք-Շամիրամ գոտում, մարզի կենտրոնական մասի նախալեռնային գոտում: Մարզկենտրոնից 7.0կմ, իսկ մայրաքաղաքից՝ 40.0կմ հեռավորության վրա:

Մայիսյան համայնք աշխատելու և բնակվելու նպատակով Հայաստանի գրեթե բոլոր շրջաններից, ինչպես նաև Իրանից, Վրաստանի և Ադրբեջանի հայաբնակ վայրերից:

Համայնքն ունի համայնքապետարան, մշակույթի տուն, գրադարան, երկհարկանի դպրոց, մանկապարտեզ, փոստային բաժանմունք, բուժական ամբուլատորիա: Համայնքն իր վարչական տարածքով սահմանակից է Արմավիր քաղաքին: Համայնքը հիմնականում գազաֆիկացված է:

2005թ. «Հազարամյակի Մարտահրավեր Հիմնադրամ Հայաստան» ծրագրով և համայնքապետարանի 10% համաֆինանսավորմամբ, համայնքում վերակառուցվել է 4.0կմ երկարությամբ ոռոգման ջրատարը, մաքրվել է 5.0կմ երկարությամբ հողային հունով ջրատար: Համայնքի խմելու ջուրը սպասարկվում է «Նոր Ակունք» ՓԲԸ կողմից: Խմելու ջրի և ջրագծերի սպասարկման աշխատանքների որոշ մասը կատարվում է համայնքի բյուջեի հաշվին:

Համայնքն ունի համայնքապետարան, մշակույթի տուն, գրադարան, երկհարկանի դպրոց, մանկապարտեզ, փոստ, բուժական ամբուլատորիա: Մանկապարտեզը չի գործում, մշակույթի տանը գործում են պարային, սպորտային խմբեր:

Համայնքն իր վարչական տարածքով սահմանակից է Արմավիր քաղաքին՝ հեռավորությունը 7.0կմ: Համայնքի բնակիչների հասարակական տրանսպորտի սպասարկումը կատարվում է Արմավիր քաղաքից՝ երթուղային միկրոավտոբուսների միջոցով:

Սարդարապատ համայնքը (մինչև 2004թ.-ը՝ Հոկտեմբեր), հիմնադրվել է՝ 1819թ.: Այն գտնվում է Երևանից 51.0կմ, իսկ մարզկենտրոնից 5.0կմ հեռավորության վրա: Համայնքի բնակչության թիվը կազմում է 5829 մարդ:

Ճարտարապետական հուշարձաններից նշանավոր է Սուրբ Աստվածածին եկեղեցին (19-րդ դար):

Համայնքում հիմնականում զբաղվում են հողագործությամբ: Այժմ համայնքում գործում են մրգի վերամշակման չորս ձեռնարկություններ, մեկ խոշոր ջերմոցային տնտեսություն, անհատ ձեռնարկատերեր, որոնք զբաղված են հացի, հացամթերքի արտադրությամբ: Գործունեության բնագավառներն են՝ կաթնամթերք, հացամթերք, փայտամշակման, դռների և պատուհանների արտադրություն:

Արմավիրի մարզն ունի զարգացած տրանսպորտային ցանց: Մարզի ճանապարհների ընդհանուր երկարությունը կազմում է 613.0կմ, որից՝ միջպետական նշանակության՝ 123.0կմ, հանրապետական նշանակության՝ 91.6կմ: Բնակչության 99%-ը ապահովված է մշտական երթուղային ավտոտրանսպորտային կապով: Մարզի տարածքով է անցնում «Հարավկովկասյան երկաթուղու» 70.0կմ երկարությամբ հատվածը: Առկա է տեղական նշանակության 35.0կմ երկարությամբ երկաթուղի, որից գործում է Արմավիր-ՀԱԷԿ 12.0կմ երկարության հատվածը:

Մարզի բոլոր բնակավայրերը ապահովված են խմելու ջրով: **Քաղաքները ունեն կեղտաջրերի հեռացման համակարգ /կոյուղի/, որոնց մաքրման կայանները կարիք ունեն**



արմատական նորոգման և վերագործարկման:

Էլեկտրամատակարարումը և գազամատակարարումը իրականացվում է համապատասխան ծառայությունների կողմից: Բնակավայրերի տարածքի սանիտարական մաքրումը կատարվում է մասնագիտացված կազմակերպությունների կողմից: Աղբի կուտակման, վնասագերծման, վերամշակման խնդիրները ժամանակակից տեխնոլոգիաների կիրառման կարիք ունեն:

«Արմավիր-3» տարածքը գտնվում է Արարատյան հարթավայրի ամենախիտ բնակեցված տարածքում, մայրաքաղաք Երևանից 48.0կմ. դեպի արևմուտք: Այս շրջանում հաղորդակցուղիները մեծ խտություն ունեն:

Տրանսպորտային կապերի ապահովվածության տեսանկյունից «Արմավիր-3»-ի տարածքը, Արմավիր և Մեծամոր քաղաքները վերգետնյա և օդային ուղիներով կապված են հանրապետության տարբեր մարզերի և արտասահմանյան երկրների հետ:

«Արմավիր-3»-ի սահմաններում ներկայումս գործում են մի շարք տրանսպորտային ձեռնարկություններ: Արմավիր քաղաքային համայնքի ջրամատակարարումն իրականացվում է քաղաքի գործող, օրվա կարգավորիչ ջրամբարների հարակից տարածքում իրականացված հինգ խորքային հորերից, որոնց ընդհանուր հզորությունը կազմում է 21.0հազ.մ³/օր: Խորքային հորերից, պոմպերի միջոցով, ջուրն առանձին ջրագծերով մղվում է քաղաքի կենտրոնացված ջրամատակարարման համակարգի գլխամասային կառույցների տարածքում գործող մարիչ հորը, որտեղ և կատարվում է ջրի վարակազերծում, այնուհետև ինքնահոս խողովակաշարով լցվում քաղաքի գործող կարգավորիչ ջրամբարները, որտեղից առանձին ջրատարներով տրվում է բնակավայրի ներքին բաշխիչ ցանցի օղակային հինգ գոտիներին:

Մեծամոր քաղաքի խմելու որակի ջրամատակարարումը իրականացվում է միակ խորքային հորից, որի հզորությունը 120.0մ³/ժամ է: Խորքային հորից պոմպի միջոցով մղվում է 2x250մ³ ծավալով օրվա կարգավորիչ ջրամբարները (ՕԿՋ, հատակի նիշը 914մ): Ջրի վարակազերծումը կատարվում է ՕԿՋ-ում, որտեղից 3.32կմ երկարության ջրագծով ջուրը տրվում է քաղաքի ներքին բաշխիչ ցանցին: Ջրամատակարարման ներքին բաշխիչ ցանցի ընդհանուր երկարությունը 11.7կմ է:

Ներկայումս կեղտաջրերը պատշաճ մաքրման չեն ենթարկվում: Արմավիր և Մեծամոր քաղաքների կեղտաջրերը նախկինում ենթարկվում էին կենսաբանական մաքրման՝ Մեծամորից հարավ ընկած տարածքում գտնվող մաքրման կայանում: 1989թ.-ից սկսած, շուրջ 15 տարի կայանը չի գործել. բարոյապես և ֆիզիկապես շարքից դուրս է եկել և վերականգնման համար դարձել ոչ նպատակահարմար: Ըստ շահագործող կազմակերպության պահանջվում է կառուցել նոր ժամանակակից մաքրման կայան՝ հարակից տարածքում:

«Արմավիր-3»-ի, Արմավիր և Մեծամոր քաղաքների էլեկտրամատակարարման գլխավոր սնուցող ենթակայաններն են.

<<Արմավիր>> ե/կ _110/35/10 5 ՄՎԿ հզորությամբ ԿՎ լարման 2x31,

<<Ուրարտու>> ե/կ _ 110/10 ԿՎ լարման 1x25 ՄՎԱ հզորությամբ:

Էլեկտրամատակարարման համակարգի տեխնիկական վիճակը բավարար է:

Մինչև 1991թ.-ը Արմավիր և Մեծամոր քաղաքներում գործում էր կենտրոնացված ջեռուցման համակարգը, բազմաբնակարան բնակելի և հասարակական շենքերի ջեռուցման կարքներն ապահովվում էր երկու կենտրոնական կաթսայատներից: Ներկայումս կենտրոնացված համակարգի, նախկինում գործող ամբողջ ջերմային ցանցերն ու հանգույցները երկար տարիներ չգործելու հետևանքով քայքայվել են, շարքից դուրս են եկել և սպառել նորմատիվային ժամկետները:

Արմավիր և Մեծամոր քաղաքները և գյուղերը հիմնականում գազաֆիկացված են:



Գազամատակարարման աղբյուր է հանդիսանում <<Երևան-Գյումրի>> բարձր ճնշման գազատարը՝ 500մմ տրամագծով: Քաղաքի գազամատակարարումը իրականացվում է <<Արմավիր>> գազաբաշխիչ կայանի միջոցով: Ներկայումս քաղաքում կաթսայատները չեն գործում:

«Արմավիր-3» տարածքը, ինչպես նշված է համապատասխան բաժիններում, գտնվում է կիսաանապատային լանդշաֆտային գոտում, խիստ մայրցամաքային կլիմայով, ջերմաստիճանի և օդի խոնավության տարեկան և օրեկան մեծ տատանումներով: Այս ամենը չափորոշիչ է քաղաքի կանաչապատման համակարգի ձևավորման և պահպանման համար: Արմավիր քաղաքի տարածքի 56%-ից ավելին զբաղեցնում է սակավահարկ տնամերձ անհատական հողամասերով կառուցապատումը: Տնամերձ հողամասերի շուրջ 60%-ը զբաղեցված են պտղատու այգիներով և բանջարանոցներով: Գյուղական համայնքներում կանաչապատման հիմնական մասը ընկնում է սահմանափակ օգտագործման կանաչի բաժնին: Մասամբ կանաչապատված են նաև հասարակական տարբեր նշանակության կազմակերպությունների հողատարածքները: Ընդհանուր օգտագործման կանաչապատ գոտիները՝ պուրակներն ու զբոսայգիները ներկայացված են ոչ մեծ հատվածներով:

Տնտեսական զարգացման համար հողատարածքն ունի իր որոշիչ նշանակությունը: Համայնքների հողային ֆոնդի առկայության համեմատական վերլուծությունը բացահայտում է գյուղատնտեսության տնտեսական զարգացման ներուժը և դրա առաջնային նախընտրելիության աստիճանը: «Արմավիր-3» գյուղական համայնքներում գերակայում են պտղատու այգիները, որոնք բազմամյա տնկարկների 65.89%-ն են կազմում, իսկ խաղողի այգիները՝ 34.10%, մեկ բնակչին ընկնող բազմամյա տնկարկները կազմում են 355.3ք.մ/մ, պտղատու այգիները՝ 234.1ք.մ/մ, իսկ խաղողի այգիները՝ 121.2ք.մ/մ: Արմավիրի մարզի ագրոկլիմայական և լանդշաֆտային պայմաններում արժեքավոր գյուղատնտեսական հողատեսքերից պետք է հաշվի առնել հատկապես վարելահողը, որը հիմք է հանդիսանում բանջարաբուստանային մշակաբույսերի աճեցման համար, ինչպես նաև անասնաբուծության համար:

ՀՀ Արմավիրի մարզի արդյունաբերական արտադրության 61.3%-ը բաժին է ընկել էլեկտրաէներգիայի, գազի, ջրի արտադրությանը և բաշխմանը, որը մեծապես պայմանավորված է ՀԱԷԿ-ի արտադրության ծավալներով: Գյուղատնտեսության ուղղություններն են՝ պտղաբուծությունը, խաղողագործությունը, բանջարաբուծությունը:

Ներկա պայմաններում ոռոգման միջոցներ են հանդիսանում՝ խորքային հորերը և պոմպակայանները, որոնք բարոյապես և ֆիզիկապես մաշված են: Որոշ համայնքների հողատարածքները ոռոգվում են Սևան-Հրազդան համակարգից Ստորին Հրազդան ջրանցքով, Մեծամորի և Ակնալճի պոմպակայաններից, որոնք սնվում են Ակնալճից և Սև ջուր գետի գլխամասային ավազանից:

Ոռոգման համակարգում նախատեսվող կարևոր առաջնահերթային միջոցառումներն են.

- ոռոգման համակարգերի գույքագրում նորոգում, պահպանում և շահագործում,
- ջրօգտագործողների համակարգի վերջնական ձևավորում, ինքնահոս ջրամատակարարման ընդլայնում,
- էներգետիկ ծախսերի կրճատում, ջուր մատակարարող և օգտագործող փոխհարաբերությունների բարելավում,
- կաթիլային ոռոգման համակարգերի կիրառում,
- ջրամբարների կառուցում, համայնքներում ոռոգման ջրերի վերաբերյալ առկա խնդիրների վերանայում և լուծման ժամանակացույցի կազմում:

ՀՀ տարաբնակեցման գլխավոր նախագծի դրույթներում հանձնարարված է զսպել Արարատյան հարթավայրում գտնվող բնակավայրերի տարածական աճը: Արմավիրի



տարածաշրջանում՝ «Արմավիր-3» միկրոռեգիոնալ տարածքի բնակավայրերում, առավելապես քաղաքներում հեռանկարային զարգացման համար հիմնական խթանիչ գործոն են հանդիսանում գործող արտադրական հզորությունների տեխնոլոգիական գործընթացի արդիականացումը, շրջակա միջավայրի վնասակարության աստիճանի նվազեցումը և էներգախնայող սարքավորանքի կիրառումը:

Նոր ներդրումային հնարավորությունների առաջացման դեպքում դրանց հանրային օգտակարության և տնտեսավետության, շրջակա միջավայրի պահպանության և էներգախնայողության արմատական հիմնավորումների կատարում:

Գյուղերի գոյատևման, առաջընթացի ապահովման և զարգացման հիմնական գործոնը գյուղատնտեսական նպատակային նշանակության հողերով ապահովվածությունն է: Դրա հետ մեկտեղ համայնքներում գյուղատնտեսական արտադրամիջոցներով ապահովությունն է, տեխնիկական զինվածությունը: Զարգացման ուղղվածությունը նորարարական տեխնոլոգիաների, ագրոմշակույթի մակարդակի բարձրացումն է, որոգման ջրի խնայողաբար, արդյունավետ և համաչափ օգտագործումը, մշակաբույսերի պաշտպանությունը ցրտահարություններից և կարկտահարումից, գյուղական տնտեսական միավորների խոշորացումը, ներուժի խելամիտ օգտագործումը, միասնական ներդրումների և արդյունքների հասնելու պատրաստակամությունը:

Հիմնվելով ներկա իրավիճակի և նախորդ ժամանակաշրջանների ուսումնասիրության ու վերլուծության եզրահանգման վրա՝ գերծ մնալ անիրատեսական զարգացման ծրագրերի առաջադրումից՝ բնակչության թվի կտրուկ աճի, տնտեսական, այդ թվում հանքարդյունահանման ոլորտների, ինժեներական ենթակառուցվածքների կտրուկ ծավալային զարգացման և այլն: Հիմնական ուղղությունները պետք է նպատակաուղղվեն գոյություն ունեցող հզորությունների կատարելագործմանը և բարեփոխմանը, ինչի շնորհիվ կարող են նոր հիմքեր ստեղծվել հեռանկարային զարգացման տեմպերի արագացման համար:

Ըստ հիմնադրությային փաստաթղթի առաջարկվում է բնակավայրերի տարածքների մաքրության պահպանման, աղբի և թափոնների հավաքման, կուտակման և վնասագերծման արդյունավետ համակարգի և համապատասխան տեխնիկական հզորությունների ստեղծում՝ զարգացման հիմքում ընդունելով «կանաչ» և «խելամիտ» բնակավայրերի ձևավորման պայմանները:

Համայնքներում բնակչության հանրային կյանքի և ստեղծարար մթնոլորտի ձևավորման նպատակով խրախուսել և ակտիվացնել հին ու նոր ավանդույթները, տեղական, տարածաշրջանային, ժողովրդական, կրոնական և պետական տոնական միջոցառումները, մարտական հերոսների և համայնքի հասարակական կյանքում անձնական ներդրում ունեցող անձանց հիշատակման արարողությունների անցկացումը:

Բնական պայմանների և մարդու գործունեության համադրությամբ ձևավորվել է տարածական հատակագծային գոյացություն, որն իր տարածական կառուցվածքն ունի: Այն բնորոշվում է բաղադրիչների բովանդակային կազմով, տարածքներով, հեռավորություններով, հանգուցային կամ կետային և գծային տարրերով ու դրանց հատկություններով: Գծային տարրերն ունեն իրենց հանգուցային տարրերը՝ ջրընդունիչ և ջրաբաշխիչ կառույցներ, էլեկտրատեխնիկայաններ, տրանսֆորմատորային ենթակայաններ, գազաբաշխիչ կայաններ և այլն: Միկրոռեգիոնալ տարածքի հատակագծային կառուցվածքի ձևավորման հիմնական գործոն է նաև տարածքի բնական պայմանները՝ ռելիեֆը կամ հողի մակերևույթի ձևը, ջրաբանական ցանցը, ինչպես նաև ինժեներաերկրաբանական և սեյսմիկ պայմանները: Տարածքային զարգացման հատակագծային կազմաերպման մեջ իր կարևոր դերն ունի հողօգտագործման տարածական համակարգը:

«Արմավիր-3» տարածքի միկրոռեգիոնալ խմբավորումներում հորոգտագործան



հեռանկարը հիմնականում պահպանում է իր ձևավորված ուղղվածությունը: Բնակավայրերի տարածքային զարգացման համար առաջին հերթին առաջարկված են այն տարածքները, որոնք համապատասխան նպատակային նշանակության հողերի կազմում իրենց նշանակությամբ չեն կարևորվում: Դրանք առաջին հերթին այլ կամ անօգտագործելի գործառական նշանակության հողերն են: Վերջինների տարածքը ընդհանուր նպատակային նշանակության պաշարում չնչին մաս է կազմում:

Առանձին բնակավայրերի վերլուծությամբ ի հայտ են բերվել համընդհանուր խնդիրների համալիր, որոնք առկա են գրեթե բոլոր բնակավայրերում:

- Հաղորդակցության ուղիների մասով՝ ներքին փողոցային ցանցի կարծր ծածկույթի նորոգման աշխատանքների անհրաժեշտություն, գիշերային լուսավորության համակարգի անցկացում:
- Ենթակառուցվածքների մասով՝ ջրամատակարարման, ոռոգման համակարգերի նորոգում, ընդլայնում, կոյուղու համակարգի իրականացում, աղբահանության կազմակերպում:
- Քաղաքային տնտեսության մասով՝ շենքերի ընթացիկ նորոգումներ, տանիքների վերանորոգում, հանրային տարածքների կազմակերպում:

Արմավիր քաղաքի տարածքի 56%-ից ավելին զբաղեցնում է սակավահարկ տնամերձ անհատական հողամասերով կառուցապատումը: Տնամերձ հողամասերի շուրջ 60%-ը զբաղեցված են պտղատու այգիներով և բանջարանոցներով: Գյուղական համայնքներում կանաչապատման հիմնական մասը ընկնում է սահմանափակ օգտագործման կանաչի բաժնին: Մասամբ կանաչապատված են նաև հասարակական տարբեր նշանակության կազմակերպությունների հողատարածքները: Ընդհանուր օգտագործման կանաչապատ գոտիները՝ պուրակներն ու զբոսայգիները ներկայացված են ոչ մեծ հատվածներով:

«Արմավիր-3»-ի տարածաշրջանի համայնքներում տեղակայված է 16 գերեզմանոց, որոնք գործող են, իսկ ընդհանուր տարածքի մակերեսը կազմում է 35.0հա:

Արմավիր և Մեծամոր քաղաքներում գործում է 6 գերեզմանոց: Գերեզմանոցներում սանիտարական պահպանման գոտին պահպանված չէ: Անհրաժեշտ է մշակել միջոցառումներ, որոնք կկարգավորեն գերեզմանոցների տարածքները: Այն հատվածներում, որտեղ ՍՊԳ-ն պահպանված չէ, նախատեսվում է ճանապարհի երկկողմանի սահմանազատում՝ ծառուղիների միջոցով և գերեզմանոցի պարագծով երկշարք ծառապատում:

Գերեզմանոցների ճանապարհի եզրային հատվածներում, նախագծով նախատեսված է տարածքի բարեկարգում և կանաչապատում, ինչը կնպաստի փոշու արտանետումների տարածման կանխարգելմանը:

«Արմավիր-3» համայնքների կանաչապատման համակարգի կայուն զարգացման համար անհրաժեշտ է իրականացնել գործողությունների համալիր ծրագիր, որն իր մեջ կպարունակի ներքոհիշյալ հիմնադրույթները.

- բնագավառի գործունեությունը համակարգող մասնագիտացված կառուցվածքային ստորաբաժանման ստեղծում համայնքապետարաններում;

- վերականգնման աշխատանքների, նոր տարածքների կանաչապատման իրականացում, հստակ նախագծերին և ծրագրերին համապատասխան, ապահովելով հետագա ոռոգումը;

- ոռոգման համակարգի զարգացում և բարեփոխում:

Արմավիր քաղաքում կանաչ տարածքների չափը ներկա իրավիճակում չի համապատասխանում գործող նորմերին (1 բնակչին՝ 8.0մ² ընդհանուր օգտագործման կանաչ, տես ՀՀՇՆ 30-01-2014 Աղյուսակ 13): 37.489 հազ. բնակչով քաղաքում կա ընդամենը 16.04հա հասարակական կանաչ 30.0հա-ի փոխարեն:



Արմավիր քաղաքի հեռանկարային բնակչության համար ըստ գործող նորմերի պահանջվում է 66.3հա կանաչ, որից 35.7հա ընդհանուր օգտագործման կանաչ: Նախատեսված են քաղաքային այգիներ, սպորտ-հրապարակներ՝ կանաչ գոտով, շրջանային նշանակության կանաչ գոտիներ: Բացի դրանից նախագծված են նաև մագիստրալ ճանապարհների, գերեզմանոցի և այլ օբյեկտների պահպանության գոտիների կանաչապատում: Սույն մշակումների շրջանակներում Արմավիր քաղաքի տարածքային զարգացման ժամկետում բնակչության հեռանկարային, հաշվարկային թիվը ընդունված է 38.5 հազար մարդ: Դրանից ելնելով ընդհանուր օգտագործման կանաչապատ տարածքի չափը պետք է լինի 26.95հա:

Մեծամոր քաղաքի բնակչության հաշվարկային թիվը ընդունված է 13.0 հազար մարդ: Քաղաքի ընդհանուր օգտագործման կանաչապատման տարածքը առկա վիճակում կազմում է 18.9հա, որի մեկ բնակչին հասնող բաժինը կազմում է 14.5մ²/մարդ:

Ներկա դրությամբ գյուղական համայնքներում ընդհանուր օգտագործման կանաչ տնկարկները (գրոսայգիներ, գրոսապուրակներ, պուրակներ և այլն) ընդհամենը կազմում են 53.92հա: Տնամերձ հողամասերում կանաչապատման մասը տատանվում է 0.5-ից 0.56:

Հեռանկարում ընդհանուր օգտագործման կանաչ տարածքների մակերեսը կկազմի 68.64հա:

Տարածքային զարգացման հատակագծային կազմակերպում բաժնում գոյություն ունեցող վիճակի վերլուծության հիման վրա տրված է հատակագծատարածական կառուցվածքի, ճանապարհային ցանցի և ինժեներական ենթակառուցվածքների բարելավման ու կատարելագործման ուղղությամբ հեռանկարային առաջարկությունների համակարգ: Առանձին ներկայացված են հողօգտագործման, բնակարանային ֆոնդի, հասարակական սպասարկման համակարգի, ջրամատակարարման և ջրահեռացման (կոյուղի) և ոռոգման, գազամատակարարման կատարելագործման նկատառումներ՝ համապատասխան հիմնավորումներով:

Հաշվի առնելով սույն նախագծով ուսումնասիրվող տարածքի բնակլիմայական պայմանները, որպես այլընտրանքային էներգիայի աղբյուր նպատակահարմար է դիտարկել արևի էներգիան՝ ինչպես ջերմամատակարարման, այնպես էլ էլեկտրամատակարարման նպատակով:

Հիմնադրույթային փաստաթղթում ներկայացվել է նաև գոտևորման նախագիծը, որտեղ ամրագրված են հողատեսքերի գործառական նշանակություններով պայմանավորված գոտիները՝ իրենց հապավումներով, դրանց օգտագործման չափորոշիչների համալիրը:

Հիմք ընդունելով առկա վիճակի վերլուծությունը և ՀՀ կառավարության կողմից վարվող տնտեսական քաղաքականությունը կարող ենք նախանշել, որ «Արմավիր-3» զարգացման ծրագրով բոլոր նախատեսվող աշխատանքները կնպաստեն շրջանի սոցիալական և բնապահպանական իրավիճակի առաողջացմանը: Բնապահպանական իրավիճակի բարելավմանը նպաստող միջոցառումները հետևյալն են՝

- երկրորդական և միջգյուղական ճանապարհների ասֆալտապատում և խճապատում;
- բազմաբնակարան շենքերի բակային տարածքների բարեկարգում և ասֆալտապատում, խաղահրապարակների կառուցում;
- շենքերի բակերի լուսավորության անցկացում և գյուղամիջյան ճանապարհների լուսավորության անցկացում;
- ջրամատակարարման համակարգի և կոյուղու կառուցում և բարեկարգում;
- անձրևաջրերի հեռացման համակարգի նախագծում և կառուցում:





Պատճառաբանական մաս: Ամփոփելով հիմնադրությային փաստաթղթի լուծումների արդյունավետությունը, շրջակա միջավայրի նախարարության համապատասխան ստորաբաժանումներից ստացված կարծիքները, առողջապահության և գյուղատնտեսության նախարարությունների կարծիքը, ինչպես նաև փորձաքննության գործընթացում ի հայտ եկած դիտողություններն ու առաջարկությունները, իրականացված հանրային քննարկումների արդյունքները կարելի է անել հետևյալ եզրահանգումները:

ԱՐՄԱՎԻՐ 3 ՀԻՄՆԱԿԱՆ ՏԵԽՆԻԿԱՏՆՏԵՍԱԿԱՆ ՑՈՒՑԱՆԻՇՆԵՐ (Ձև 3)				
Տարածքը (ընդամենը), այդ թվում՝	հա	11664.47	11664.47	11664.47
գյուղատնտեսական նշանակության հողեր (վարելահողեր, բազմամյա տնկարկներ, խոտհարքներ, արոտավայրեր և այլ հողատեսքեր)	հա	8104.22	8073.95	8065.97
բնակավայրերի հողեր	հա	2321.21	2352.21	2362.30
արդյունաբերության, ընդերքօգտագործման և այլ արտադրական նշանակության հողեր	հա	280.28	279.00	276.82
էներգետիկայի, տրանսպորտի, կապի, կոմունալ ենթակառուցվածքների օբյեկտների հողեր	հա	561.77	562.50	562.57
հատուկ պահպանվող տարածքների հողեր	հա	141.40	141.22	141.22
հատուկ նշանակության հողեր	հա	132.81	132.81	132.81
անտառային հողեր	հա	6.57	6.57	6.57
ջրային հողեր	հա	116.21	116.21	116.21
պահուստային հողեր	հա	0.00	0.00	0.00

«Արմավիր-3» (ՄՄՀՏՊՓ) միկրոռեգիոնի բնակավայրերի տարածքային քաղաքաշինական խնդիրների լուծման ընթացքում շրջակա միջավայրի պահպանության արդյունավետ կազմակերպման համար համալիր կերպով գնահատվել է առկա բնապահպանական խնդիրները, գոյություն ունեցող իրավիճակը և ընտրվել են զարգացման այնպիսի սկզբունքներ, որոնք թույլ կտան ներդաշնակորեն լուծել սոցիալական, տնտեսական և բնապահպանական խնդիրները: Բնակավայրի տարածքի կարևոր էկոլոգիական հիմնախնդիրների լուծումը, նպաստելու է տարածքի էկոլոգիական հավասարակշռության պահպանմանը: Շրջակա միջավայրի պահպանության բաժնում տրվել է համալիրի առանձին տարրերի՝ օդային, հողային, ջրային ավազանի սանիտարահիգիենիկ վիճակը, նրա բարելավման ինժեներական տեխնոլոգիական և ագրոմելիորատիվ միջոցառումները:

Փորձաքննական պահանջներ

Հիմնադրությային փաստաթղթի շրջանակում նախատեսվող գործունեությունների համապատասխան նախագծային փաստաթղթերը՝ մինչև իրականացումը, անհրաժեշտ է



օրենսդրությամբ սահմանված կարգով ներկայացնել շրջակա միջավայրի նախարարություն՝ շրջակա միջավայրի վրա ազդեցության փորձաքննության:

ԵԶՐԱԿԱՑՈՒԹՅՈՒՆ

«Հայնախագիծ» ԲԲԸ կողմից ներկայացված Արմավիրի մարզի «Արմավիր-3» միկրոռեգիոնալ մակարդակի համակցված տարածական պլանավորման փաստաթղթի (ՄՄՀՏՊՓ) շրջակա միջավայրի վրա ազդեցության ռազմավարական գնահատման հաշվետվությանը տրվում է դրական եզրակացություն՝ վերը նշված փորձաքննական պահանջի պարտադիր կատարման պայմանով:

Գլխ.մասնագետ



Յու. Մատինյան